

疆
屯
遺
書

疆屯遺書

海綃詞序

陳洵字述叔本新會人補南海生員少有才
思游江右十餘年歸粵辛亥秋七月番禺梁
文忠重開南園述叔與余始相識文忠與人
每稱陳詞黃詩此實勉厲後進余詩未成甚
愧述叔蚤爲詞悅稼軒夢窗碧山其時年未
五十今又十餘年歸安朱彊邨先生見其詞
糜金刊之以余知述叔平生命余屬序述叔
數贈余詞余未學詞雖心知其能以彊邨詞
宗當世而稱述叔詞且爲刊而傳焉則知其

詞之有可傳也述叔窮老授徒郡居微彊邨
世無由知述叔者矣癸亥七月五日黃節序

金何之山余暇遊對平主命余歸中
止士今又十餘年雖安米蠶沙尖主良其
則數外至為補謝新碑墓窗露山其制平未
出辭刺歸黃葛山實晚風遊藝余詩未與甚
又忠重開南園數殊與余故味端文忠與人
忠義乃古十餘年聽學辛亥秋十月番出梁
刺與字數殊本藤會人蘇南縣主員少育本
新餘歸也

海綃詞卷一

新會陳洵述叔

解連環 癸卯八月相國寺街訪瑤華故

宅顧視辛丑回鑾置頓撫事鬱
伊正不止懷古切聲也

梵鐘寒徹洗塵霏暫閣晚吹還掣背細草閒
語斜陽早魂斷燕飛那時歸妾又入銅駝燒
灰冷似僧能說想雙蟬暗掩夢短黍宮概從
銷歇西風又紅水葉念江淮未霜北鴈先
別數倦程獨客銷凝忍重寫傷心雨鈴殘闕

故國秋回怨過眼芳菲鳴鳩勸行人未須弔
古但思歲月

更漏子

燭雙花筵滴淚爭奈未成沈醉憐強笑見悲
啼眼邊光景迷關山路傷心數不抵謝家
廊廡千里月五更雲此情天與親

浣溪沙

如夢風花赴鏡流舞楊無力倚嬌柔黛匳脂
盞自然收未必眞珠全賺淚斷無羅帶肯
瞞愁春光誰分薄於秋

臨江仙

一葉碧梧金井冷欲題無語相思已涼天氣
未寒衣賸香羅帶憔悴費禁持 見說行雲
無定處去程烏鵲應知舊歡今分教人疑畫
屏銀燭故故暗佳期

瑞鶴仙 辛亥五月晦感舊園拜張硯秋
生日呈梁節老

江城吹玉斷問春明舊事夢痕深淺西州又
開館想羊曇歸後淚屏尋徧荷衣未換把天
上良辰教看只金仙不管人間賸與酒杯消

遣 應見流鶯故在斷雨疏煙歲華淒怨流
塵漫轉畫屏外燭光短待黃昏飲散闌干一
霎路比蓬山更遠正夜廊無月沈沈謝家別
院

浣溪沙

團扇依依故近人乍驚零落倍相親西風羅
額暗生塵衾薄未成寒夜計燭光旋覺曙
窗分坐來心事又因循

虞美人

迴廊已有驚秋葉不管棲香蝶便隨明月到

闌干爭柰更無一字只清寒
玉人抬起燕支薄半暈朱顏覺
料應隨分對西風裙衩偷量
依約去年同

浣溪沙

自入秋來始夜清
去人嬌月背窗明亂花穿
竹過前汀
初見便拚持定分
再來誰信昧平生
此情天與注深盟

六醜

正啼紅滿徑繡閣掩虛廊
無月畫闌試憑年時香
尙發柳帶堪結還是湔裙候
背花臨水

蕩曉愁空闊行雲冉冉孤城接鏡匣收鸞羅
衣卷蝶鄰簫爲誰先咽算花風廿四猶解催
別桃根杏葉委新詞半篋又墮年華淚塵
暗黦多情怕看團箴似流連苦恨薄人輕絕
殘煤冷雨聲初闕應不分一晝銷魂拚與渡
頭飛雪西園事歸燕能說但早來縱有游春
意驕驄正怯

採芳訊雪孃病起重見江湄一月訛言

如隔世矣

紫簫遠又鳳翼飛軒天風吹轉洗夢塵清泚

銀河水深淺人閒百感冬溫夜教作良辰看
漸黃昏隔水初燈歲華深院 妝薄淚痕泣
有印粉窗紗凝香羅薦莫倚高寒仙帔紺霞
卷熨懷暗墮金鑪燼漫借笙歌暖正銷凝那
更檐花怨斷

瑞鶴仙才人河滿賦此慰之

暗塵驚轉燭送華堂歸客春波如翹笙簫咽
寒玉有明妝窈窕自傷幽獨庭花簌簌夜潮
生東風又促算游絲飛絮牽縈天遠淚痕相
續 棖觸長門買賦詞客千金此情誰屬蛾

眉漫蹙今古事幾歌哭但飄零休恨天涯看
徧芳草無人更綠問伊家除了周郎爲誰誤
曲

摸魚兒 五月廿五日重過故潘園女道

暉塲後一日也

漸黃昏怨梅疏笛飄零花片重數轆轤先聽
薰風轉門掩翠陰前度今更誤縱覓得枝頭
青子還遲暮流紅漫遡恁斷索銀餅淚鉛金
井空惹墜歡古閒池館多少紅吟綠賦遺
香羅韞塵土思量竟是無花好隨意野橋煙

圃天也妒總不把斜陽小駐留人渡浮生太
苦悄一似秋蓮無人解道春恨早分付

金瓊子

咽曲寒蟬聽倦魂驚換一年秋色鴛蘚冷流
塵嗟辛苦霜華素懷能敵暗香似怨羅屏整
西風巾幘黃蝶舞依稀粉裳宮靨細敲窗隔
消息短籬側人不見繁英任棄擲清尊幾
回喚起空憔悴荷衣野水惻惻翠微怕有斜
陽付傷心潮汐寒林晚還是數點緋霞漫與
妝飾

瑣窗寒

寓齋聞落木

璧蘚雕霜檐蘿掃月葉吹重聽怱怱夢轉改
盡綠陰門徑掩殘書錯翻墮紅舊情未了芳
題省又石闌幾片如何不護唱蟬淒冷愁
凝秋天迴但野水荒溝故寒新暝空山自好
未與宮槐同詠想江湖搖落正多鴈聲不到
宵更永最妨他白髮孤篷怨入漁燈檠

新鴈過妝樓得晦聞書悵然賦畲

玉合羅囊紅香小相憐蠹損春裝浣襟蘭泚
羞照一水昏黃倦眼西風誰最念凍螢帶雨

弄書光淚綃藏故人慣識淹過重陽華堂
當時送客怨背窗暗燭不照迴腸歲寒身世
歌外落鴈清霜芳尊自吟自泣任持摺花前
金縷裳香匳集算只除彤管誰與冬郎

絳都春已未立春珠院聽歌同東籬諸

子

烘鑪潤鼓漸春到鏡匳明珠先曙漢苑洞簫
初試東風流鶯語吟壺曾結神仙侶共歡夕
梅邊尊俎歲華依約紅裁翠翦綵花釵股
休負雙鬟爲識乍回首最在驕塵紅霧蘸語

夜潮迴燭風廊凌波步霓裳新按雲韶部便
不是常年宮譜會看聲動樞南喚雷啟戶

渡江雲閉門春盡兀坐成吟

鉤簾暝燕絮風正急忍問抱愁歸繡塵搖
夢短幾處垂楊水曲暗鶉啼閒心漫理怕尙
有一點芳菲剛凭得絕塵書幌繞樹綠成圍
淒迷單杯婪尾小字蠻牋更安排何計空
怨他高樓銀燭催送斜暉今宵淚到雲屏隙
只斷鐘疏鼓休提人靜後和春泥語低低
鶯啼序橘公文叔皆喜聽雪孃曲而余

與翰風爲最余戊午雜詩所謂
兩家同調者也今翰風沒逾一
年余亦端憂閉門無復曩時游
賞客有道雪孃事者感音思舊
不覺長言

歌紈恨輕易染歎清尊未洗醉魂醒吹入江
風洞簫凝望雲際鏡華潤流塵暗盪驚鸞冉
冉仙衣委想霓裳天上如今散落人世往
日旗亭載酒俊侶爲深情慣繫第一是愁極
桓伊曲中拋盡鉛淚睨崦嵫香蘭賦筆伴櫻